



Inatsisartut ilaasortaq

Karl Lyberth

/Maani

§ 36, imm. 1 naapertorlugu apeqqummut nr. 2010-60-mut akissuteqaat

Asasara Karl Lyberth,

Utoqqalinersiutillit inissiani namminneq pigisaminni, inissialiortiternermi tapersiissuteqartarnermi taarsigassarsiaqarfigineqanngitsuni iluarsaassinissamut tapiiffigineqartarnerat pillugu apeqquteqarninni qutsavigaakkit, taannalu imatut nipeqarpoq:

Utoqqalinersiutillit, inissianik iluarsaassinissamut aningaaserivinnit taarsigassarsitinneqarsinnaanngitsut, inissiani namminneq pigisaminni, inissialiortiternermi tapersiissuteqartarnermi taarsigassarsiaqarfigineqanngitsuni iluarsaassinissamut Namminersorlutik Oqartussanit tapiiffigineqarsinnaappat?

17. marts 201010
Sagsnr. 2010-027334
Dok. Nr. 334250

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Illuortiternermut aningaasalersuineq pillugu Inatsisartut peqqussutaanni nr. 1-imi, 7. Maj 2007-imeersumi periarfissaq atorneqarsinnaavoq, taannalu malillugu inissiani pioresuni iluarsaassinermut, pitsanngorsaaneermut alliliinermullu aningaasartuutit tamarmiusut 40 procentiinik Naalakkersuisut taarsigassarsititsisinnaapput. Taarsigassarsiniarluni qinnuteqartup iluarsaassinissamut, pitsanngorsaaneerissamut alliliinissamullu aningaasartuutissat, ilaatigut pilersaarusiomerneermut, sanasunut, sanaartugassanut taarsigassarsianut ernianut, qularnaveeqqusiussaarluni taarsigassarsinermi allagartap suliarineqarneranut nalunaarsorneqarneranullu, kiisalu naqjissusiinerneermut akitsuutitut aningaasartuutit ilaqartut katinneri naatsorsussavai.

Inissianik piffissami qinnuteqarfiusuni ukiut 20-it sinnerlugit pisoqaassusilinnik, aammalu 95 kvadratmeterit sinnernagit angissusilinnik piginnittut kisimik iluarsaassinermut pitsanngorsaaneermullu taarsigassarsitinneqarsinnaapput. Iluarsaassinerni pitsanngorsaaneernilu assersuutigalugu illup silataata qalliutai, igalaat, matut silarliit, qaliat, innaallagissamik pilersuineq, kuuffilersuinerit, isaarissat, naqitsineq atorlugu imeqarneq assigisaallu pineqarput. Iluarsaassinermut pitsanngorsaaneernullu inuulluataarniutitut tunngasunut taarsigassarsititsisoqarsinnaanngilaq. Inissianik piffissami qinnuteqarfiusuni ukiut 20-it sinnerlugit pisoqaassusilinnik, aammalu 95 kvadratmeterit sinnernagit angissusilinnik piginnittut kisimik iluarsaassinermut pitsanngorsaaneermullu taarsigassarsitinneqarsinnaapput. Inissiaq allilerneqarnermi kingorna 110 kvadratmeterit sinnerlugit angissuseqalissappat, alliliinissamut taarsigassarsititsisoqarsinnaanngilaq. Taarsigassarsiat amerlanerpaamik 283.500 koruuniusinnaapput, aammalu taarsigassarsisup nammineerluni iluarsaassinissamut, pitsanngorsaaneerissamut alliliinissamullu aningaasartuutissat tamakkiisut ilaat aningaasalersorniarpagit aatsaat taarsigassarsiaritinneqarsinnaallutik.

Inussiarnersumik inuulluaqqusillunga

Jens B. Frederiksen